



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**MARTYROLOGIVM.|| DER Kirchenkalen=||der/**

**Canisius, Petrus**

**Dillingen, 1599**

**VD16 M 1284**

30 d Felix vnd Adaucius Märterer zů Rom.

**urn:nbn:de:hbz:466:1-41449**

## Augustus

<sup>3. Regam. 19.</sup> Tod weissaget. Derselbig Leib ward darnach gen Ka-  
uennam geführet/ vnd daselbst mit gebülicher ehr geehe-  
ret wirdt.

Item zu Venusio der Statt in Apulia/ der Ge-  
burtstag des heiligen Bischoffs Felicis.

Item inn der Statt Subzozense der heyligen Ja-  
nuarij des Priesters/ vnd Fortunatiani vnd Septimi/  
der Leser/ die vnder dem Tyrannischen Kayser Diocle-  
tiano von dem Pfleger Magdelliano mit dem Schwert  
getödt worden.

d Tertio Calend. Septemb.

## Der XXX. Tag im Augustm.

Anno Dñi  
287. **Z**u Rom ist heut der Geburtstag der hayligen mar-  
tyrer Felicis des Priesters/ vnd Abaucti. Als diser  
Felix vnder den Kaysern Diocletiano vnd Maxi-  
miano vmb Christi willen gefangen/ an einer Nam ge-  
peinigt/ vnd nach gegebenem vthail zuenthaupten auß-  
gefürt ward/ begegnet jm Abauctus/ vnd bekennet sich  
offentlich ein Christen/ darumb er gleich mit Felice ent-  
haupt worden. Als aber die Christen seinen Namen nit  
wisten/ haben sie in Abauctum genant/ dieweil er sich  
ohn gezwungen dem H. Felici inn der marterkron zuge-  
felle hat. Ihre Häupter ligen zu Cöln inn der Apostel  
Kirchen.

Item auch zu Rom der H. Junckfrawen Gau-  
dencie/ mit andern dreyen.

Anno Dñi  
120. Item des heyligen Bischoffs vnd marterers Ze-  
rentiani/ welcher auch inn nechst vergangnem tag von  
ellichen



ttlichen gesetzt wurde / der zur zeit des Kayfers Adriani / zu Tuderco inn Tuscia den Abgöttern nit opffern wolt / ward darumb an ein Nam auffgehengt / mit Scorpiosen geschlagen / vnd an seinen seytten mit feur gebrennt / auch sein Mund mit Steinen geschlagen / vnd sein Zung abgeschnitten ward. Nichts desto weniger bekennet er Christum mit öffentlicher Stimm / beköhret auch den Abgöttischen Priester Flaccum / gab im wider sein verloren gesicht / vnd tauftt ihn / derwegen sie beyde enthauptet worden.

Item der heyligen marterer Hippoliti vnd Saviniani. Als diser Hippolitus der auch Nonnus haisset / den abgestorbenen Leib der heiligen Auree begraben / vnd an das Ufer des wassers nun kommen war / ist er auch ertrunct worden. Savinianus aber ward geknüttelt / gereckt / vnd mit feur / bis er seinen Gaist auffgab / verbrennt / in Christlicher bekennnuß.

Item inn Meldenser Landschaft des heyligen Abts vnd Beichtigers Siacis / der ein Mann war großer Zugent.

Item in dem Kloster Keshaco / mit dem Zanamen Hierusalem genant / des heyligen Abts vnd Beichtigers Agili / der war eines Königschen Rathsheren Sun in Frankreich / vnd ein jünger des heyligen Abts Columbani / hat mit predigen vnd wunderzeichen vil volcks zu Christo beköhret / ward darnach Abt / vnd im Ampt gar mildt vñ geflissen gegen den Frembden Gdsten. Als er hundert jar alt war / vnd sein Junckfrawschafft nie verloren het / verschid er im freiden / da man die Engel hat hören singen / vnd auß anrührung seines leibs / seind vil krankten gesund worden.

Anno. Dñi  
639.

Item



## Augustus

- Item in dem Kloster Deutsch/ gegen Cöln vber/die  
Anno Dñi. erhebung des H. Cölnischen Erzbischoffs vnd Reich-  
1147. tigers Heriberti/durch Arnoldum den ersten Erzbischoff  
daselbst geschehen.
- Anno Dñi. Item zu Biugis die erhebung des H. Rottens-  
1056. sischen Bischoffs Donatiani.

e Pridie Calend. Septemb.

## Der XXXI. Tag im Augustm.

- S** Petri ist heut der geburtstag des H. vnd berühm-  
ten Bischoffs vnd Reichstigers Paulini/welcher  
von wegen des Catholischen Glaubens/vonn dem  
Anno Dñi. Arianischen Kayser Constantio inns ellend verschickt  
340. ward/vnnd dieweil er bis an seind end im ellend vmbzo-  
gen/vnnd inn Phrygia verschiden/hat er auch die selige  
marterkron vom H. Ern empfangen.
- Item zu Athen des H. Aristidis/der im Glauben  
vnd Weisheit fürtrefflich/vnnd ein wol beredter Philo-  
sophus war/hat etliche Bücher für die Christliche Reli-  
gion geschriben/vn dieselben dem Kayser Adriano vber-  
antwort/auch in gegenwertigkeit desselbe Kayfers herr-  
lich bewisen/das Christus Jesus wahrer Gott sey. Ist zu  
Anno Dñi. Athen verschiden/vnd wirt von S. Hieronymo gelobt.  
120.
- Item zu Antistodoro des H. Bischoffs vnd Reich-  
stigers Optati/der auß Africa bürtig: ein Militantis-  
cher Bischoff/auch ein fürtrefflicher Lehrer vnd Kempf-  
fer wider die Donatisten gewesen.
- Item inn Engeland des heyligen Lindisfarnen-  
sischen Bischoffs vnd Reichstigers Aidani/der/wie  
Bedat